



9 BULETINA

Hiritarron Harrera-Sarea / Red Ciudadana de Acogida

Alarma estatuko 9. eguna. Asteartea, 2020ko martxoaren 24a

Hilaren 23 asteleheneko Kudeaketa / Ekintzak

BALIABIDE INSTITUZIONALAK

Atzo ireki zuten Donostian **etxerik gabeko pertsonak hartzeko beste baliabide bat**; kasu honetan, Atano pilotalekutik ateratako 39 pertsonentzat. **Ubako aterpetxea da.** Eraikin honetako azpiegiturari dagokionez, pentsa daiteke bertan emango den arreta dauden bete beharrekin bat datozen parametroen barruan egongo dela. Nekez lor zitekeen hori Atano pilotalekuan bertako langileek eta boluntarioak ahalegin handi eta estimagarria egin arren.

Bi aste behar izan ditu Udalak herritarrei etxetik ez ateratzea gomendatu zitzaientetik, eta hamar egun Alarmako egoera ezarri zenetik, **gai izateko etxerik gabeko pertsonak hartzeko baliabideak eta gailuak abiaraztea gutxi gorabehera, osatzeko.** Lehen egunetik eskuragarri zeuden baliabideak, udalaren edo foru-erakundearen lokaletan. Hartutako jende kopuru handienarentzat, gainera, baliabide bat jarri zuten, Atano pilotalekua, nabarmen desegokia, lehen unetik egiaztatu ahal izan denez. Beharrezkoa dira baliabideak egokiak kontuan izanik intimitate-espazioak, gauza propioak gordetzeko takillak, komunak ere... Hori da guk eskatuko genukeena guk geuk erabili beharko bagenu. Eta ez da ezinezkoa, aterpetxeetan dauden instalazioak hor baitaude, adibidez. **Jokabide logiko bat al da hori premiazko egoera batean?** Ez zaigu iruditzen.

Are eraginkortasun gutxiagokoa izan da udalaren jarduna Donostiako biztanleriaren zati batek duen **elikagaien beharrari dagokionez**; etxerik gabeko jendeak, noski, baina baita beste pertsona batzuek ere: bizitetxe batean bizi diren arren elikagaiak erosteko dirurik ez dutenak, edo lan prekario edo/eta gaizki ordainduetan jasotzen zituzten diru-sarrera urriak falta zazkienak, enpresak itxi eta sarrera horiek gabe gelditu direnak, bere eskasia guztian beren heldulekua baitzuten eta orain ezer gabe geratu dira. Gabezia hori aspalditik dator, eta horregatik denbora daramagu eskatzen jangela sozial bat prestatzea. Sarea gabezia horren zati bat betetzen ari da duela hilabete batzuetatik, baina udalak nonbait ez du horren berri jasotzen edo behar hori berak estaltzeko baliabiderik jartzen. Alarmako egoerarekin joan-etorrien legezko mugak eta abar ezarri zirenetik, behar hori estaltzeko zailtasunei Saretik egin behar izan zaie aurre, udalaren gutxieneko esku-hartzerik gabe. Ez dugu lortu, ezta ere, banaketa hori egiteko lokal bat lagatzerik, izan ere, SOS Arrazakeriaren bulegotik egitean, egokia ez den lokal batean ari gara, eta bulegoaren ohiko funtzionamenduan disfunczio askotxo sortzen dira egunero. Elikagaiak, beharra duten pertsonekin harremanetan jartzea, egun hauetan poliziaren zailtasunak gainditzeko ziurtagiriak... Horrek guztiak, nahiz eta espreski jakinarazi, ez du lortu udaletxea mugitzea inolako kudeaketarik egiteko gure lana eramangarriago izan dadin. **Logikoa al da horrela jardutea gizarte zibilak eskura jartzen dituen baliabideak optimizatu behar direnean?** Ez zaigu iruditzen.

Eta, ingurura begiratuz gero, ikuspegia ez da askoz pozgarriagoa. Gaitutako baliabideak ezagutzen ditugu: **Erreterian**, aterpetxean **13 plaza** daude. **Irunen, 30 plaza** Martindozenean. Eta hor amaitzen da. Udaletan halako beldur bat somatzen da, **"Kanpoko" pertsonak etor ez dakizkien.** Prebentzio hori kontraesankorra bada ere etxerik gabeko pertsonen ari garela, ulertzen da praktikan oso udalerririk gutxi gaitu izan dituztelako pertsona horientzako baliabideak. Donostiaren kasuan, horren ondorioz, gehien-gehienak hiri horretan biltzen dira. Logikoa dirudi **foru-erakundeak zeregin aktiboa** izatea udal gehienek mota horretako baliabideak izan zitzaizkien, neurri txikikoak, arreta pertsonalizatua eman zezaten eta bere



9 BULETINA

Hiritarron Harrera-Sarea / Red Ciudadana de Acogida

kargura profesional nahikoak izan zitzaten. Errealitatea aztertuta, zeregin hori ez dela existitzen ondorioztatu genuen. Era berean, deigarria egiten zaigu **Gurutze Gorriak** Irunen duen baliabidea, **100 plaza** dituen, eta jatorrian "iragaitzazko" pertsonentzat zuzendua zegoena, eta une honetan ia **plaza okupaturik ez duena**, ez hartzea baliabidetzat une honetan.

Egoera horrekin, gogor egiten da arduradun politikoei komunikabideei egindako adierazpenak entzutea, haien jardunarekin eta emaitzekin pozik, eta beharrak betetzen ari direla aditzera ematea. Eta gabeziak planteatzen bazaizkie, jakina da erantzuna, "Ezin da azkarrago joan". Iruzkirik ez.

Horrelako jarduna ezin dugu ontzat eman, ez dugu ontzat eman behar. Eta ezin dugu, izan ere, etxerik gabeko pertsonak aspalditik pairatzen duten arreta ezaren jarraitutasuna islatzen duelako. Deigarria da 300 pertsona baino gehiago kolektibo horren kopuruaren aurrean harridura adieraztea. Baina hori, haiekiko lana egiten duten erakundeei behin eta berriz errepikatzen diegun datu bat da.

Eta jarrera horrek adieraz dezake, Alarmako egoera igarotakoan, dena "normaltasunera" itzultzea, hau da, kalera botatzea, lo egiteko tokirik ez izatea, goseari aurre egin ezin izatea borondatezko erakunde baten bidez ez bada. Normala izatea berriz, haietako multzo batek Atzerriartasun Legeak paperik gabe uzten dituen ezin izatea bizimodua lan eginez ateratzea, nahiz eta gaizki ordaindua izan, edo emakume batzuek abusuzko egoerak onartu behar izatea kalean ez geratzeko ... Eta hori guztia Donostian, Gipuzkoan, bere gizarte-zerbitzuez harro dagoen Euskadin ... Benetan utziko al dugu hori gertatzen? Zerbait erakutsiko al digu pandemia honek?

Errenteriako Udalaren jardunbide egokia jakinarazi nahi dugu: Alarmako estatuko lehen egunetik **Zainketen sare publiko komunitarioa** abian jarri zuen eta gaur egun bertan parte hartzen duten 400 boluntario baino gehiago ditu.

Komunikazioa. Sareetan eta komunikabideei zabaldu zaie 8. buletina.

BORONDATEZKO BALIABIDEEN ESKAERA ETA ERANTZUN SOLIDARIOAK

Elikagaiak banatzeko sarea muntatzen ari gara horien beharra duen jendea dagoen **auzoetan**. Dagoeneko 25 boluntariok eman dute izena. Auzoz auzo konpontzen joatea espero dugu.

Ekarpen ekonomiko solidarioari dagokionez, Atzoko diru-sarrerekin dagoeneko 123 pertsona dira zazpi egunetan 7.047 € sartu dituztenak.

Ostalaritza laguntzaren arloan, Gandarias eta Pandoraren eguneroko ekarpenak jarraitzen du. Mugikorrak behar ditugu oraindik

Donostiako Hiritarron Harrera Sarea/ Red de Acogida Ciudadana de Donostia

Kontaktua: redacogidaciudadana@gmail.com 675 71 53 15

Dohaintzak: CC ES44 2095 5013 70 9119577666

Zabald, bidali zure ekarpenak, iradokizunak, salaketak.